



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-05-39122-26/18
Sarajevo, 08.01.2018.godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničko pitanje

Zastupnik Zvonko Marić je na Prvoj radnoj sjednici Skupštine Kantona Sarajevo, održanoj dana 1912..2018. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo postavio **zastupničko pitanje vezano za “dostavljanje informacije vezano za pomoćnike ministara u svim ministarstvima Vlade Kantona Sarajevo”**.

U vezi sa postavljenim zastupničkim pitanjem dostavljamo slijedeći:

ODGOVOR

Ministarstvo zdravstva Kantona Sarajevo ima 3 (tri) sektora i to: Sektor za zdravstvenu zaštu, Sektor za farmaciju i Sektor za pravne i finansijsko-ekonomske poslove, te shodno tome i 3 (tri) pomoćnika ministricе i to: dr Alma Kadić, specijalista epidemiolog, Pomoćnik ministricе za zdravstvenu zaštitu; Prim. mr. ph. Edina Stević, Pomoćnik ministricе za farmaciju i Alen Katović, dipl.pravnik, Pomoćnik ministricе za pravne i finansijsko-ekonomske poslove.

Iznos mjesečne neto plaće pomoćnika je utvrđen Zakonom o plaćama i naknadama u organima vlasti Kantona Sarajevo („Službene novine Kantona Sarajevo“, br. 33/11, 5/13 i 9/15) kojim je propisano da je koeficijent za pomoćnike ministara 5,7 x osnovica 290, što iznosi 1.653,00 KM, plus minuli rad u zavisnosti od godina staža pomoćnika, topli obrok u iznosu 1% prosječne plaće Federacije BiH, tj. cca. 8 KM dnevno. Iznos regresa za 2018. godinu je bio 50% prosječne plaće Federacije BiH, cca. 440,50 KM.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1



Pomoćnici u Ministarstvu zdravstva Kantona Sarajevo nisu na rukovodećim mjestima u sindikatima, a nijedan od pomoćnika ne obavlja poslove sudskog vještaka ili nekih sličnih.

Sektor za zdravstvenu zaštitu, dr Alma Kadić, pomoćnik ministrice

Rješenjem Ministrice zdravstva Kantona Sarajevo imenovana u stručnu komisiju za polaganje stručnog ispita za zdravstvene radnike sa završenom srednjom školom zdravstvenog usmjerenja i to za stručno zvanje: medicinska sestra – tehničar (pola komisije), psihogerijatrijska sestra i sanitarno –ekološki tehničari. Navedene poslove kao član naprijed pomenutih komisija obavlja od 11.10.2017. godine, a komisije su imenovane na period od 2 (dvije) godine. Naknada za rad u navedenim komisijama utvrđena je u iznosu od 16,00 KM po kandidatu. Polaganje ispita se održava u zavisnosti da li ima dovoljno prijavljenih kandidata. Ovi poslovi se obavljaju van radnog vremena.

Povremeni angažman u komisijama za otvaranje privatnih zdravstvenih ustanova, odnosno privatne prakse, koje se formiraju za svaki pojedinačni slučaj. Naknada za rad u navedenim komisija je utvrđena u jednokratnom iznosu od 75,00 KM – van radnog vremena.

Rješenjem Ministrice zdravstva broj:10-37-1217-3/16 od 01.08.2017. godine imenovana, ispred Ministarstva zdravstva, za člana Koordinacionog odbora za praćenje organizacije i izvođenja deratizacije, utvrđena naknada od 150,00 KM koja se isplaćuje pod uslovom da je u tom mjesecu održana minimalno jedna sjednica – van radnog vremena. Koordinacioni odbor je imenovan 10.03.2016.godine na period od tri godine.

Rješenjem Vlade Kantona Sarajevo broj:02-05-30410-6/16 od 28.10.2016.godine, kao predstavnik Ministarstva zdravstva imenovana u Kantonalni odbor za razvoj za proces implementacije strategije razvoja Kantona Sarajevo do 2020 godine – bez nakande.

Rješenjem Vlade Kantona Sarajevo broj:02-05-10130-16/17 od 16.03.2017.godine kao predstavnik Ministarstva zdravstva imenovana u Tim za implementaciju Akcionog plana za prevenciju maloljetničkog prijestupništva i rad sa maloljetnicima u kontarktu sa pravosudnim sistemom u Kantonu Sarajevo 2017.-2019 godine – nije utvrđena naknada.

Rješenjem Ministarice za rad, socijalnu politiku, raseljena lica i izbjeglice, kao predstavnik Ministarstva zdravstva imenovana u Koordinaciono tijelo za prevenciju, zaštitu i borbu protiv nasilja u porodici u Kantonu Sarajevo – bez naknade.

Odlukom Sindikanog odbora Sindikalne organizacije Kantonalnih organa državne službe Kantona Sarajevo, od 29.11.2018.godine imenovana za člana Komisije za standard Sindikalne organizacije, bez naknade.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1



Sektor za farmaciju, Prim.mr.ph.Edina Stević, spec-pomoćnica Ministrice

Rješenjem Ministrice zdravstva broj: 10-05-9967/17 od 6.03.2017.godine imenovana u Komisiju za lijekove Kantona Sarajevo, za čiji rad se prima naknada u iznosu od 300,00 KM na teret sredstava Zavoda zdravstvenog osiguranja Kantona Sarajevo.

Štab Civilne zaštite Kantona Sarajevo - Rješenjem broj 02-05-515-26/18 od 11.01.2018.godine Vlada kantona sarajevo je imenovala Štab Civilne zaštite Kantona Sarajevo. U skladu sa članom 29. tačka 1) Pravilnika o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06 i 5/07), članu 17. Poslovnika o radu Štaba civilne zaštite Kantona Sarajevo, broj: 22-08-44-411/18 od 27.02.2018. godine, a u vezi sa članom 180. stav (4) i 183. tačka (2) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10) članovi Štaba civilne zaštite Kantona Sarajevo, imaju pravo na mjesečnu naknadu na ime rada u Štabu u visini od 15% od prosječne neto plaće ostvarene u Federaciji u prethodnom mjesecu, prema saopćenju Federalnog zavoda za statistiku, u skladu sa članom 61. Pravilnika o načinu rada i funkcioniranju štabova i povjerenika civilne zaštite („Službene novine Federacije Bosne i Hercegovine“, broj: 77/06 i 5/07). U skladu sa navedenim, mjesečna naknada iznosi oko 130,00 KM. Imenovanjem nove Vlade Kantona Sarajevo prestaje

Koordinacioni tim KEAP - Rješenjem o formiranju i imenovanju Koordinacionog odbora za provođenje kantonalnog plana zaštite okoliša Kantona Sarajevo (KEAP-a) Vlada Kantona Sarajevo je na 127. sjednici održanoj 24.05.2018. godine („Službene novine Kantona Sarajevo“, broj 23/18) imenovana sam u navedeni odbor, za čiji rad nije utvrđena naknada.

Ostale komisije - Rješenjem ministrice zdravstva imenovana sam u stručnu komisiju za ispite zdravstvenog profila farmaceutske tehničar, te povremeni angažman u Komisijama za otvaranje privatne prakse –apoteka.

Sektor za pravne i finansijsko-ekonomske poslove, Alen Katović, dipl. pravnik, Pomoćnik Ministrice

Rješenjem Vlade Kantona Sarajevo broj: 02-05-25774-12/17 od 17.08.2017. godine imenovan u Komisiju za javno-privatno partnerstvo, na period o 4 (četiri) godine. Naknadu za rad članovima navedene Komisije utvrdila je Vlada Kantona Sarajevo, u iznosu od 350,00 KM.

Odlukom Vlade Kantona Sarajevo broj: 02-05-31215-2/18 od 03.09.2018. godine imenovan u Pregovarački tim Vlade Kantona Sarajevo, za pregovaranje sa Sindikatom doktora medicine i stomatologije Kantona Sarajevo, u cilju zaključivanja novog Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo. Za rad u navedenom pregovaračkom timu nije utvrđena naknada.

Odlukom Vlade Kantona Sarajevo broj: 02-05-31215-3/18 od 03.09.2018. godine imenovan u Pregovarački tim Vlade Kantona Sarajevo, za pregovaranje sa Sindikatom radnika u zdravstvu u Kantonu Sarajevo, u cilju zaključivanja novog Kolektivnog ugovora o pravima i obavezama



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1



poslodavaca i radnika u oblasti za područje Kantona Sarajevo. Za rad u navedenom pregovaračkom timu nije utvrđena naknada.

Rješenjem Ministrice zdravstva Kantona Sarajevo imenovan u stručnu komisiju za polaganje stručnog ispita za zdravstvene radnike sa završenom srednjom školom zdravstvenog usmjerenja i to za stručno zvanje medicinska sestra – tehničar (pola komisije), zubni tehničar i stomatološka sestra – tehničar. Navedene poslove kao član naprijed pomenutih komisija obavlja od 11.10.2017. godine, a komisije su imenovane na period od 2 (dvije) godine. Naknada za rad u navedenim komisijama utvrđena je u iznosu od 16,00 KM po kandidatu. Polaganje ispita se održava u zavisnosti da li ima dovoljno prijavljenih kandidata.

Član Tripartitne radne grupe Mehanizma za praćenje standarda MOR-a, za praćenje određenih konvencija Međunarodne organizacije rada i davanja mišljenja i prijedloga za ratifikacije novih konvencija, kao i otkazivanja određenih zastarjelih konvencija. Za rad u navedenoj Tripartitnoj radnoj grupi nije utvrđena naknada.

Angažovan u ad hoc komisijama za otvaranje privatnih zdravstvenih ustanova, odnosno privatne prakse, koje se formiraju za svaki pojedini slučaj. Naknada za rad u navedenim komisijama je utvrđena u jednokratnom iznosu od 75,00 KM.

S poštovanjem,

MINISTRICA

Doc.dr sci. med.Amela Sofić

Dostaviti:

Naslovu

Stručna služba Vlade KS

a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

